

† Salutifere Incarnationis domini nostri Iesu christi Anno Millesimo ducentesimo vicesimo Septimo tercio die Mensis Madii Indicionis Quintedecime Imperii vero domini nostri Frederici dei gratia Romanorum Imperatoris Semper Augusti Anno Septimo Regni Ierosolimitani Anno Secundo et Regni Sicilie Anno tricesimo Ego Lidolphus f. Bastardi Barolitanus civis Coram subnotatis testibus tibi Argontine filie deodati uxori Nicolai confectarii mee concivi. voluntarie locavi et per fustem tradidi medietatem meam pro diviso unius domus cuius reliqua medietas est Goffridi fratris mei. Que medietas mea domus est in burgo Santi Iacobi A prima parte iuxta dictam medietatem domus prefati Goffridi fratris mei A secunda parte iuxta viam A tercia parte iuxta comunem transendam A quarta parte vero iuxta furnum Ecclesie Sante marie theotonicorum A festo Sante marie mensis agusti proximo futuri usque ad tres annos finitos Ex qua locatione recepi a te uncias tres auri tarenorum sicilie totam videlicet pensionem ipsius Locacionis Quatinus ab ipso festo Sante marie mensis agusti proximo futuri usque ad tres annos finitos tu et tui heredes ipsam medietatem meam domus tam infernis quam superius teneatis et utamini fruamini ea ad vestram utilitatem quam locacionem non possimus interim vobis auferre dicendo eam necessariam esse nec quolibet Alio modo Immo defendamus eam vobis ab omnibus. hominibus. Necessarias quoque Impensas quas in eadem locacione interim fecerint de nostro vobis restituamus nec ipsam medietatem domus interim vendere vel alienare possumus Contra que si fecerimus pene nomine componamus vobis solidos regales auri decem totidem parti curie hoc scripto in suo durante vigore Liceatque vobis sine compellatione pignorrare me et meos heredes in omnibus rebus nostris licitis et illicitis donec omnia perlecta vobis adimpleantur Maioris quoque securitatis causa Super sancta dei evangelia tibi iuravi perlecta omnia vobis sine contradictione qualibet